

LE PISTUR TOULOUSEN

PER

L'ANNADO 1878

OU

LE SIGNALOMEN

Des prencipalis Magasins de Toulouso.

Se per cas bous troubats en péno,
Per fa bostris cadeous ou per douna l'estréno,
Seguisssets-me, sarey bostré *cicéroné*,
Ouey que cal estrena pla may que le *bébé*;
Se surtout n'ets pas de la bilo,

Acceptarets moun offro ; apey quand saïots milo,
N'abets qu'a me segui,

Bous troubarey de que caousi :

D'abord, é quand s'agits de mostros, de cadénos,
De bijoux, de pendens, de roubis, diamants,
Èn troubarets de luzens, d'esclatants,

A la carrièro de la POUMO,

E dins la carrièro SAN-ROUMO.

Dins la prumièro, on n'a d'els que per ANCELY,

Dins la secoundo on nou juro que per RAFFY ;

Se cal un assourtimen, uno garnituro

De rosos, de brillants, ou tout aoutro paruro,

Anirets pla bite empressats

Dins aques magasins, seguits et ressercats,

Dout l'esclat, la magnificenco égalo

Toutis les magasins de nostro capitalo ;

Per égala Paris, aben may qu'ANCELY,

Aben BERGHUES, NICAUD, GRANDMASSON É ROUSSY :

Lours grandis magasins, claufits de caousos bèlos,

Attiroun le curious, clarejoun coumo estèlos :

Bis-à-bis ANCELY, Bèjats DÉJOUANNY,

Qu'en fet d'articlés de Paris, ten ço pu fi,
Per tant é tant de cours qu'aujon ouey lours estrénos,
Lours roubis, lours pendens, lours mostros, lours ca-
 Sigur n'an pas la bogo qu'an, [dénos,
 Aquel prumiè dé l'an,
Les cournets de boubous, et l'amello ensucrado,
 La rento oubligeado
 De cado annado ;
Per se refigura la grando quantitat
Que s'en débito aquel joun préferat,
Nous cal ana dins la carrièro PERCHO-PINTO,
Ount tout le mounde accourt é se presso é s'esquinto,
Per arriba puleou, chél'counfissur MARCEL
 Toujour ancien, toujours noubel,
Es chés el qu'on bey la maysou-mèro,
De tout ço qu'aquel jour, cado gourmand préfero ;
Pey d'aqui s'anan à la porto MOUN-GAILLARD,
Y troubaren un magasin *chouet*, flambard,
Le magasin de VIOL, tout friandisos,
 Tout ensucrat, tout gourmandisos ;
Dins la carrièro qu'apelan CROUTS-BARAGNOUN,
Es un aoutré MARCEL, digné dé soun renom ;
D'aqui passent à la carrièro de la POUMO,
Oun ya may que pastillos à la goumo,
Surtout che'l' famus counfissur OULIBIÈ,
Que n'a pas soun parel dins tout le mounde entiè,
 Sas licous é touto sa sucraryo,
Soun aoutant dé nectars, soun aoutant d'ambroucio,
 El é MARCEL-BALÈS, à coustat,
 Tenoun lé naout del pabat,
 Per la bountat, per l'excellenço
Dé lour boubous é per la présenço
Dé las Damétos que fan tapla las aounous
D'aquélis magasins é d'aquélis boubous.
 Tabés touto la bilo entièro
Aquel jour emcoubro, inoundo aquelo carrièro ;
 Impoussiblè d'y passa
 Tant de moundé y a.
Un paou pu leng é prep lé GRAND-THÉÂTRÉ,
Rancountrats Founarmo, un counfissur quénbal quatrè,
 Tant soun grand é bel magasin,

Tant sas briochos é soun plum-pudding,
Per lour réputation, lour bieillo rénommando,
Attiroun lé gourman de toute la countrado;
S'y dounoun randéz-bous de tout coustat,
Per y mangea crouquants é fioula lé muscat;
S'anan d'aqui. dins la carrièro LAFAYÉTO,
Y troubaren dé qué réjouï l'aluzéto,
Y troubaren lé magasin del choucoulatié BLANC,
El tabès a lé donn d'embesca lé passant,

Per la bariétat, per la délicatesso
De sas cocos, dount la finesso
Surpasso tout ço qu'on pot imagina,

En fèt dé gourmandéjà,
Es daban soun bel estallatje,
Qu'un jour un campagnard se trouban dé passatje,
S'éro plantat, quand un de sous parels
L'y dits, que fas aqui ? Faou brespaille les els,
Respoun le campagnard ; per malhur sa fringalo
Aoujet le même sort que la fam de *Tantalo*.
Del magasin de BLANC al grand bazar LABIT,
Ya qu'un pas, anguens-y, nostr'el sara rabit
De beze las milantos merbeillos

Qu'enfermo, qu'estalo aquel magasin
Aoutant grand que bint;

Es à qui soulomen que pouyrets fayre emplèto
De tout ço qu'un maynatje, aquel joun per el souëto,

En fèt de touto sorto de joujous,
Aprep que s'es bourrat des millounis boubous,
San coumta que las pu grandos persounos

Y troubaran de caousos prounos

Per satisfayré lour désir,

Quand saïo même' l'GRAND VIZIR,
Soulomen nou s'agits, y pagan pas d'intrado,
Que d'en poude aproutcha, dins aquelo journado.

Aro se me crezets, qué bous ey trimbalat

Que bous ey tout indicat, signalat,

Aro qu'abets las potchos plénos

De touto sorto d'estrénos,

Nostré millou sara de nous recounfourta,

C'est-à-diré d'ana s'entaoula per dinna,

Per acó fa, cal pas un hôtel de bricolo,

Mais un hôtel del CAPITULO,
Anguen-dounc dret ché moussu DARDIGNAC,
Que nous embaoumara pél'sigur l'estoumac,
Coumo as ÉTATS-UNIS, hôtel jouts las arcados,
Dount la taoulo es toujoun de las millou souégnados ;
Aniren se boulets à l'HÔTEL DU MIFI,
Ou ché madamo ESTIENNE, ount on es à rabi,
Hôtels doun faou souna la grando renoummado,
Per que le carnabal es loung aquesto annado.
Aprep qu'aouren dinnat,
Que cadun se sara pla régalat,
Aniren al café CHAUAUX, pey al théâtre.
Un cop rédoun coumo quatré,
Baci lé coumplimen que bous farey,
E le pourtanel taucarey :
Bous souëtarey la bouno annado,
Coumo se dits, de pla d'aoutros accoumpagnado,
Bous souëtarey milo é milo bounhurs,
Les pu parfèts, les pu sigurs,
Souëtarey que hostro bido
De gayétat siosco toujours ramplido,
Que jamay bous porten, hélas ! à l'Espital,
Per tant pla qu'y souégnoun le mal,
Que bibets aoutant que lé Papo.
San nat besoun d'un Esculapo,
Qué surtout l'annado que ben,
Bous retrobe en santat, pla fier é pla counten.
Se tout aco pot bous coumplayre,
Me troubarets, sigur, un aymable rimayre ;
Aro qu'abets aouzit moun pitchou coumplimen,
Qué bous digo à moun tour moun gran countentomen
De saoupré hostros mas e hostros potchos plénos
De cadeous e d'estrénos ;
Ey fénit, adyssiat, filletos e goujats !
Dinquios à l'an que ben, adyssiat, adyssiat !!!

LÉPERRET.